




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.507/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.507/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.507/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.507/a



OMNIBONI

FERRARI
MEDICI,

AC PHILOSOPHI

DE ARTE MEDICA INFANTIVM
APHORISMORVM,

PARTICVLAE TRES.



BRIXIAE.

Apud Franciscum, & Pet: Mariam fratres, de Marchettis.

M. D. LXXVII.



OMNIBONI

FERRARI


MEDICI

AC PHILOSOPHI

DE ARTE MEDICAE INVENIENS

APPROPRIORVM

PRACTICAE TRACTATVS



BRIXIAE

Apud Franciscum & Petrum Mancinellum, de Medicis

M. D. LXXXV

2
ILLVSTRISSIMO AC

GENEROSO D. VITO

DE DORIMBERGIO

EQVITI AVRATO, SACRAE CAESAREAE

MAIESTATIS CONSILIARIO, ET APVD

Illustrissimum Senatum Venetum

Oratori

OMNIBONVS FERRARIVS MEDI-

CVS ET PHILOSOPHVS

S. P. D.



*MAXIMUM Solatium esse solet
(Illustrissime Orator) inter aduer-
sas fluctuum tempestates, & mul-
tiplices uitæ huius perturbationes si-
dum aliquem Pollucem conspicerem,
eo enim viso, illicò uenti concidunt.
fugiuntq; nubes, & minax unda re-
cumbit. Vnde in te unum ante alios in hoc gurgite uasto
amicum, & salutare meum sydus intueri mihi licet, cum
tua, qua es in omnes singulari humanitate, mei, & fratris
fautorem te præstiteris adeò, ut ambo cum uniuerfa nostra
familia tibi deuincti, & perpetuo nodo obligati simus. Hac
autem cum menti meæ infixæ penitus inhaerent, cuperemq;
grati animi mei signum erga te aliquod edere, quod aliud
aptius in præsentia non suppetebat, non ab re fore existimaui.
Si quum proximè de Arte medica infantium aphorismo-*

A 2

rum particulas tres confecissem, multaq; in unum redigissem
partim meo ut dicitur Marte, atque usu etiam excogitata,
compertaq; partim ex probatissimis auctoribus excerpta,
eas tibi consecratas in tuo nomine uellem apparere; quan-
quam hoc ut facerem tua me etiam animi fortitudo impulit,
ac uigilantia, quam nunc apud Illustrissimum Senatum Ve-
netum inuictissimi Caesaris Maximiliani secundi Legatus
personam sustinens assidue tua multa cum laude, & gloria
declaras. Vnde & literarum studia, in quibus à pueritia
uersatus es, & integritas uitæ, & religionis ueræ studium, di-
sciplinarumq; omnium peritia te gratissimum, & opratissi-
mum familiarem Principibus Christianis reddunt, in-
ter quos tua dexteritate, & auctoritate concordiam dum
mire conseruas, euenit ut Serenissimus Princeps Carolus
Archidux Austriæ te, ut præsidem sui archiducalis con-
siliij constitueret, à Cesare petierit, nec ille tamen, ne tam
diligenti, gratoq; sibi ministro, cui non alium facile parem
se inuenturum confideret, carendum esset, petitioni amantis-
simi fratris assensus sit, sed bona eius tamen cum gratia, &
multa tua cū gloria in ista legatione apud Venetos te denuo
confirmarit; & statim ad Ligures tumultuose belli incēdia,
inter ipsos orta magis, magisque quotidie accendentes, ad pa-
cem conciliandam legauit, quæ tandem maxima ex parte
accuratissima diligentia tua, secuta, & stabilita est. Suscipe
igitur Illustrissime Eques munusculum hoc meum balari
fronte, ueluti signum, & pignus amoris, & obseruantie
erga te mee. Vale.

3
OMNIBONVS FERRARIVS
MEDICVS ET PHI-
LOSOPHVS
CANDIDO LECTORI



A QVAE præcipua in Arte Medica Infantum
tam à nobis inuenta, ac longo rerum vsu per-
cepta, quàm ex auctoritate probatorum au-
ctorum descripta sunt in aphoristicam doctri-
nam tribus particulis comprehensam collegi-
mus, quas veluti flores ex pratis legentes, &
flauentia ferta texentes, quibus tempora memoriæ huius ar-
tis studiosi inectere valeant, in lucem edere decreuimus, bre-
uitatem secuti, ità tamen, vt tenebrofæ obscuritati nullum lo-
cum reliquisse videri possimus. Vt autem res tota in suo na-
turali statu permaneret, vbiq; ferè sententias, & verba propria
aliorum scriptorum retinenda putauimus. Accipies igitur
candide lector has nostras lucubrationes, ex quibus si ad alen-
dos, & curandos infantes commodum aliquem fructum ali-
quandò reportaris id totum ad D.O.M. gloriam referto,
& mei memor esto. Vale.

OMNIBONVS FERRARIVS

ANTONII GROTTAE.



HEV. Tenera infantum cur tot corpuscula pridem

Funere praecipiti mersit acerba dies?

An fera se voluit Mors exaturare prius, quam

Surgeret OMNIBONI firmior arte Puer.

4


APHORISMORVM

DE ARTE MEDICA INFANTIVM

PARTICVLA PRIMA.



I **INFANS** Dicitur ille, qui nondum fari capit, Puer uerò qui purus est, & nondum ad pubertatis annos peruenit.

2  In nutritione infantium semper mater nutricibus pre-
ferenda est, nisi ex defectione, aut corruptione la-
ctis, aut aliqua ægritudine, impossibilitate uè, aut
malis moribus hoc prohibeatur.

3 Infantes à matribus alienis educati à proprijs matrum naturis mul-
tum discrepant.

4 Veluti hedi lacte ouillo nutriti pilum gignunt teneriorem, & agni
lacte caprarum aliti lanam ferunt duriorē, ita & infantes alieno
lacte nutriti.

5 Infantes eius naturam à qua nutriuntur sapiunt.

6 Lac purioris sanguinis menstruui parti, ex qua fœtus in utero alitur,
affine est.

7 Inhumanum, monstruosumq; esse uidetur, filium concepisse, & sine le-
gitima causa eundem seorsum alieno lacte nutrire.

8 Ii, qui filios alijs nutriendos aliorum dedunt, uinculum amoris, quo
genitores cum filijs natura constrinxit intercidunt.

9 Quæ non lactat filium suum, non est integra mater.

10 Infantes aliquando cum alieno lacte aluntur magis amant nutricem,
quàm matrem.

11 Vnusquisq; presumit laudabilioribus moribus ornatam esse matrem,
quàm nutricem.

12 Nutrix bonorum morum est eligenda.

13 Opulentis uerò plures nutrices conueniunt, si una lacte non abundat.

14 Infans unius nature lacte multo salubrius nutrietur, quàm diuersarum.

15 Nutrix nulli præter naturam affectioni obnoxia, iudicio delectuq; paretur.

16 Et ut facilius nutrix lacte abundare ualeat, & sustinere ea, quæ la-
ctantibus solent accidere, mediocris etatis, & quæ iam bis peperit,
& abortum passa non est, & semel saltem lactauit, est eligenda.

- 17 *Nutrix illa melior est, quæ masculinum non feminam peperit.*
- 18 *Nutrici curam cerebri, cordis, iecinoris, & stomachi habere conuenit, ut sanguinem bonum generare possit.*
- 19 *Qualis est sanguis, tale est lac.*
- 20 *Lac si optimum est, gustanti, olfacienti quæ suauis, intuenti candidum, æquabile, ac liquidi, crassi quæ medium apparebit. Quod uitiosum est è diuerso.*
- 21 *Lac inculpatum est, quod dum super pollicis unguem, nitoris contemplandi gratia instillatur, flexo ungue nec cito, nec lentè declabatur.*
- 22 *Præter ea, quæ in lacte optima requiruntur, copia est necessaria.*
- 23 *Lac uitiosum succum probum non gignit.*
- 24 *Si bonis cibis alantur nutrices, lac pariter boni chy mi generant.*
- 25 *Nutrix bis quotidie cibum sumat, sic tamen, ut famem cibum, sitim potus expectet.*
- 26 *Nutrix ab omnibus bellarijs abstineat.*
- 27 *Ex cibis, qui facillè non putrescunt, nutrirì debet nutrix.*
- 28 *Nutrix fugiat diurnum somnum post cibum, nocturnum sibi conciliet.*
- 29 *Nutrici dormire saltem per horam à cena conuenit, diluculo surgere.*
- 30 *Euitet nutrix uigilias noctis, dies enim uigilia, nox somno tributa est.*
- 31 *Nutrices à Venere abstineant, menses enim prouocat, qui postea lac in deterius mutant, & aliquæ in utero concipiunt.*
- 32 *Quicquid sanguinis est optimum, infæctum, & Venere absumitur.*
- 33 *Nutrice prægnante nihil peius.*
- 34 *Partes corporis superiores nutrix bis quotidie exerceat.*
- 35 *Nutrix ab otio maximè caueat.*
- 36 *Misio sanguinis, & medicamenta ualdè exsiccantia, & calfacientia in nutrice uitanda.*
- 37 *In uitioso lacte sanguinem inspicere oportet, & si biliosus est primum purgationem desiderat, mox uictum.*
- 38 *Lac in mammis superfluens nutrici plurimum nocet, affert enim abscessus, & ægitudines.*
- 39 *Crassius lac abscessus, & furunculos in infantis corpore progignit.*
- 40 *Si lac fiat acris, appetitus deficit, & pustula acerrimæ in corpore fiunt.*
- 41 *Lactè in nutrice deficiente, alia infantem lactato.*
- 42 *Si nutrix medicinam solutiuam sumpserit, alia per diem naturalem lactet infantem.*
- 43 *Lac in caseum conuersum, nisi statim curetur gignit abscessum.*
- 44 *Lac congelatum facit obstructions, & facillè ad aquam inter cutem, & febrem perducit.*
- 45 *Inter lactandum nutrix ad utraq; mamillam conuertat infantem*

APHO.

APHORISMORVM DE ARTE MEDICA INFANTIVM

PARTICVLA SECVNDA.



- D**E AERE, in primis pro infantis tuenda sanitate, parua non habenda est ratio.
- Si infans natus sit uel in urbe, uel eius aliquo uico, uel ruri, seu aliqua in domo insalubri aere infecta in alium salubriorem ducendus, & educandus est.
- Infantibus in quibus aliqua exuperans qualitas dominatur, is utilisissimus aer est, qui ei qualitati maxime est aduersus.
- Si mater per totum pręgnationis tempus sana fuit, ac natus recens infans in terra positus eiulatum edit, & integras omnes partes, & sensus habet, ipse quoque sanus est.
- Si statim editus in lucem infans arti sanitatis tuendę tradatur educandus, fortunatus utique erit.
- Umbilicum quatuor a uentre digitis resecare oportet, ubi primum natus est infans.
- Probibeatur ne umbilici resectio fiat arundinibus, aut uitris.
- Umbilicus post incisionem duplicatus, & lana inuolutus leniter in medio componatur.
- Infantium corpora mollia, & fluxa sunt.
- Infantibus ex imbecillitate instrumenti ratio sopita est.
- A principio nares precipue infantis digitis subinde sunt repurgandę.
- Oculi infantis statim ut ortus est exiguo oleo illinantur.
- Post ortum infantis ani orificium illico minuto digito aperitor.
- Edito in lucem infante, uesica eius quamprimum premenda est, ut urine exitus fiat facilius.
- Infantis membra suauiter, & recte fasciis inuoluantur.
- Modo nato mel cibus omnium primus prębeatur, usque dum matris, aut nutricis natura recenti partu concussa in pristinum habitum se receperit.
- Ab initio statim infans multo lacte onerandus non est, lactandus

B

tamen bis, terque quotidie.

- 28 Non lasset mulierem pregnantem.
- 29 Solo lacte infans nutriendus est, usque quo dentes anteriores emittat.
- 30 Ut plurimum mense ferè septimo, & undecimo in infantibus dentes enascuntur.
- 31 Citius dentiunt, qui lac calidius sugunt, & qui frigidius è diuerso.
- 32 Dare operam oportet ut infans dum lac sugit modò dextram, modò sinistram manum liberam habeat.
- 33 Ut cutis geniti modò infantis, eiusque membra densiora, & duriora fiant, statim post eius ortum, modico sale trito, & oleo oliuarum dulci inungatur, friceturque.
- 34 Frictiones infantibus, & inunctiones conueniunt quotidie, donec tres annos excefferint.
- 35 Balneare etiam conuenit quotidie infantem semel tantum usque in quartum à natali mensem, & usque ad septimum alternis diebus, à septimo uerò usque quo à lacte amoueatur bis singulis hebdomadis.
- 36 A longiori somno excitatus infans fricetur statim, & balneetur.
- 37 Frequens lauacrum reddit corpus flaccidum, & imbecille.
- 38 Balneum infantis æstate aqua suauis, & tepida fieri debet, hyeme calida non tamen pungente.
- 39 Signo sanctissimæ Crucis muniatur infans, nè ab aliqua nocturna, & malefica strige fascinetur.
- 40 Communis quædam est, & uetus opinio, Aniculas quasdam sagas, (quæ & striges uulgò dicuntur) infantium sanguinem sugere, quo pro uiribus iuuenescant.
- 41 Manus, & pedes infantis à natali usque ad menses quatuor fascia deligandi sunt, transacto quarto, soluenda sunt manus, & brachia, & etiam pedes post decimum: totus autem thorax, & uenter usque ad biennium fascia inuoluendi.
- 42 Ut tutus conseruetur infans nunquam uel dormiens, uel uigilans relinquendus est sine custodia.
- 43 Infans semper (nisi aliud indicetur) in partibus supernis domus à terra remotis habendus est.
- 44 Lucernæ semper habendæ sunt apud cunas ad pedes, non post caput infantis.
- 45 Nocturno tempore apud nutricem locandus non est infans in lectulo, donec nec manibus, & pedibus solutis ad motiones naturales peragendas aptus sit, nè suffocetur.
- 46 Cubiculum infantis à Septentrione semper fenestras habeat clausas, à meridie per hyemem, autumnum, & æstatem interdum.

- 37 In cubiculo infantis orientem, & occidentem versus quotidie hyeme aperiuntur fenestrae, manae orientales, à meridiè occidentales.
- 38 Tempore quo imbres abundauerint, & præcipue hyeme ignis in cubiculo infantis accendatur quotidie.
- 39 Aestate ad euitandum feruidissimum solis uaporem orientales fenestrae quotidie summo mane aperiuntur saltem per horas tres, aliae omnes claudantur; post solis uerò occasum denudò aperiuntur occidentales, & orientales.
- 40 Fletus temperatus antequam infans lac sugat confert ei ad membra spiritalia dilatanda, cetera corroboranda, & cerebrum, caputque purgandum.
- 41 Ab anno à natali secundo incipiunt infantes secundum rationem intelligere, loqui, & ambulare.
- 42 Dolores infantibus lenire, & somnum conciliare triplici uia prudentiores nutrices solitae sunt, papilla mamillarum ori eorum apposita, motu in cunis medioeri, & uocis modulatione.
- 43 Infantes nunquam plorant sine legitima causa, quippe loquelae adhuc expertes ploratu, clamore, iracundia, & agitatione dolorem suum indicant.
- 44 Infans semper exactissimam munditiam amat.
- 45 Cum apparuerint, & firmati fuerint primi duales, & anteriores dentes (non omisso tamen lacte) tunc infantem solidiori cibo assuefacere conuenit.
- 46 Infantes unius nutricis lacti assueti difficilè ab altera lac emulget, eoq; fit, ut nonnulli interdum propterea inedia pereant.
- 47 Victus humidus infantibus conuenit.
- 48 Lactantes ultra biennium, nisi maior urgeat necessitas ex sententia quorundam, tardiusculi sunt, disciplinaeque apprehendendae parum idonei.
- 49 Infantes lactentes si multum mingant, minimè anniculi fiunt.
- 50 Qui plus mingunt, quàm egerunt, pro ratione pinguiore sunt.
- 51 Quibus aluus ualde lubrica est, & benè concoquunt, hi saniores sunt.
- 52 Quibus modicè profluit, & uoraces sunt, & non pro ratione similiter nutriuntur morbofi.
- 53 Voraces multum lactis trahentes non pro ratione carnosì fiunt.
- 54 Qui pinguiore benè dormiunt, multum alimentum adsumunt, idque adiacet, non sufficienter distributum.
- 55 Quibus in sugendo lac tussis instat, uiam maiorem habere solent.
- 56 Postquam lac suxit, statim non exhibeantur infanti (nè lac in stomacho coaguletur) acida, salsa, aromatica, acria, & uinosa.

- 57 Infantes minimè ieiunium ferunt, præsertim qui inter ipsos sunt uidi-
uiores.
- 58 Qui crescunt plurimum habent calidi innati, plurimo igitur egent
alimento, alioqui corpus absumitur.
- 59 Propter incrementum uehementer concoquunt.
- 60 Vinum antè remotionem à lacte non est exhibendum.
- 61 Vinum ad iram præcípites, & pertinaces facit infantes, & partem
animi rationalem hebetem, atque turbidam reddit.
- 62 Qui comedunt infantes, à cibis unctuosiss, pinguibs, & dulcibus, atq;
fructibus facillè putrescentibus cohibendi sunt, donec ratione di-
gnoscant.
- 63 Eorum quæ uentriculus continet, præcipitior distributio in corpus
fiet, si post cibum bibat, quem balneum excepit.
- 64 Si ingreditur aqua in aurem infantis, dum balneatur quandoque in
radicibus aurium eius apostemata existunt, ob id uehementem in-
currit dolorem.
- 65 Cum lauit, sumpsitque cibum det membra sopori.
- 66 In cunis cubare oportet infantem supinum, & ei stratum concauum
parare, & satis molle.
- 67 Infans dormiat in loco tenebroso, & modicè calido, nisi aliter cogat ne-
cessitas, ubi non adsit fumus, nec malus odor, & ubi eum dormien-
tem ledere non possint animalia uenenosa.
- 68 Infans custodiatur à prohibentibus somnum.
- 69 Maiorem partem temporis infantes dormiunt.
- 70 Cum surgit à somno infans lucem intueri assuefiat, & calum inspi-
cere.
- 71 In tenebris infantes paucunt.
- 72 Infantes uoluptate, & uictoria gaudere præseferunt.
- 73 Ingredi, ambulare, uel aliquid motus facere infans immaturè cogen-
dus non est, nè eius membra distorqueantur.
- 74 Ab infante remouendi sunt lapides, ligna, fustes, cultelli, uitrum
& omnia, quæ ledere, pungere, incidere, frangere, aut grauare
possunt.
- 75 Infans remoueatur semper ab igne, ab aquis, à puteis à locis altis, et
ad quæ conueniunt, & per quæ transeunt animalia, quæ uel morsu,
uel cornibus uel pedibus, uel aculeo ledere solent.
- 76 Cum infans omnium dentium perfectum iam numerum expleuerit, ut
incidere, & manducare cibum solidum, citrà noxam ualeat, à lacte
remoueatur.
- 77 Perfectus numerus dentium in unoquoque humano corpore est qui

continet duos, & triginta, scilicet octo incisores, quatuor caninos, & uiginti molares.

78 A lacte remotio uere, uel autumnno sensim facienda est.

79 Quidam sugunt interim cibum adsumunt, facilius ablactationem ferunt.

80 Potus dandus est uinum dilutum infanti cum iam firmior factus fuerit.

81 Cauendum est ne infans incidat in iram, seu timorem uehementem aut tristitiam, aut uigilias.

82 Animi perturbationes, & uigilia ualde exsiccant, & alterant corpus infantis, & impedimento sunt, ne incrementum accipiat.

83 Infanti quod expetit illico praebeandum est, quod auersatur amouendum.

84 Infantes molles sunt instar cerae, quae omnem sigilli formam recipit.

85 Animi mores infantum uitiant consuetudines pravae, cibi, potus, gymnasia, inspectiones, auditiones, & mala musica.


86 Ante sex annos infans non est in disciplinam magistro dandus.

87 A sexto usque ad decimum quartum annum infans nec multis, nec uiolentis fatigandus est gymnasijs, ne eius augmentum impediatur.

APHORISMORVM DE ARTE MEDICA INFANTIVM

PARTICVLA TERTIA.



- I**  **N** FANTES Cum in exitu à matricis utero non re-
Etè ab obstetricibus excipiuntur, nec commodè fa-
scijs involuuntur facile inuertuntur.
- 2** Quamdiu infantes sunt in utero matris per umbili-
cum mingunt, & orti etiam antequam ligentur.
- 3** Infantium urinæ ad lactis proprietatem trahunt ex
parte nutrimenti eorum.
- 4** Pulsus infantis creberrimus est.
- 5** Infantium natura calida est, & humida.
- 6** Ex uocalium instrumentorum angustia uocem infantes reddunt acutâ.
- 6** In infantia magis, quàm in pueritia pituita abundat.
- 8** In pueritia in dies fit diminutio pituitæ, & calor, & sanguis augetur.
- 9** Aetas infantia est cum membra ipsius infantis nondum ad motiones,
& ad ambulandum sunt apta, & extenditur usque ad biennium, &
dentitionem.
- 10** Pueritia est post ambulationem, & antè corporis firmitatem, cum non-
dum dentes ceciderint, & nati fuerint, extenditurque usque ad septi-
mum, atque etiam ad tertium decimum annum, & uocatur ætas me-
dia inter dentitionem, & pubertatem.
- 11** Natura infantium habet eandem rationem in ætatibus, quam uer in
quatuor temporibus anni.
- 12** Ossium natura in paruulis, atque etiam infantibus carea potius ui-
detur.
- 13** In ætatibus autem talia contingunt, paruulis, & nuper natis puerulis,
oris ulcera (quæ aphthæ uocantur) uomitus, tussis, uigilia, pauores,
umbilici inflammationes, aurium humiditates.
- 14** Aurium humiditas, & expurgatio per aures à natura aliena est.
- 15** In progressu uerò cum iam dentire incipiunt, gingivarum pruriges,
febres, conuulsiones, alui profluvia, & maximè cum caninos edunt
dentes, et ijs præsertim, qui crassissimi sunt, & aluos habet astrictas.

- 16 Cum uerò iam magis adoluerint, tonsillæ, & uertebrae, quæ in occipitio ad interiora luxationes, crebri anhelitus, quos græci asthmata uocant, calculi, lumbrici rotundi, ascarides, uerrucæ quas græci acrochordonas uocant, tentigines, strumæ, & alia tubercula, sed præcipuè antedicta.
- 17 Grandioribus autem, & iam accedentibus ad pubertatem plurima ex his, & febres diurnæ magis, & ex naribus profluvia sanguinis.
- 18 Plurimæ autem ægritudines in paruulis iudicantur partim diebus quadraginta, partim mensibus septem, aliæ annis totidem, quædam uerò in iam ad pubem accedentibus. Quæ uerò permanserint, nec puerulis in pubertate desierint, aut fæminis cum menstrua erumpunt, solent esse diurnæ.
- 19 Ex praua uictus ratione nutricis in multas ægritudines infantes incurrunt.
- 20 Infantium corpora si à nutricibus perperam aut leuantur, aut reponuntur, facillè deprauantur.
- 21 Nutrices cum cibis utuntur minus idoneis infantes etiam corporis à natura optimè constituti varijs morborum generibus exponunt.
- 22 In curatione morborum infantium habenda primum ratio est uictus nutricis ipsius, ut rectè se habeat.
- 23 Infantes facilius, quàm adultos uidere est maximas ægritudines tolerare, & præcipuè quorum alimentum cibus est lac.
- 24 Infantes nisi obstat inedia sæpe ex diurnis, & grauissimis morbis euadunt, & conualescunt.
- 25 Si in nutrice aliquod ex quatuor humoribus redundet, redundantia ipsa statim erit minuenda, & propria euacuatione tollenda.
- 26 Si nutrix medicinam solutiua sumpserit, per diem naturalem alia nutrix lactet infantem, nisi per eam etiam infantem purgare uolueris.
- 27 Nutrices, infantesq; omni ope (uitatis aluum soluentibus medicinis) esculentis, & poculentis curandi sunt.
- 28 Prodest etiam infantibus medicamentum non sentientibus si nutricibus præbeatur.
- 29 Cauenda sunt in nutrice missio sanguinis, medicamenta ualdè exsiccantia, excalfacientia, aut frigescentia ex his enim in ipsis deficit lac.
- 30 Propter uirium imbecillitatem infantes medicamenta ualdè alterantia, & euacuantia tolerare non possunt.
- 31 In puero qui nondum quartum decimum annum attigit sanguis mittendus non est.

- 32 Infantes multi egrotantes per aliquot annos ex praua animi consuetudine, contraria motuum ipsius immoderatione curantur.
- 33 Aluum infantium astrictam data ad ciceris magnitudinem terebinthina, aut mellis uncia soluit.
- 34 Si lactea crusta oculos non ledit, neque deturpat brui, & facillime sanatur.
- 35 Experientia compertum est laborantes initio lactea crusta saniores fieri.
- 36 Erysipelata, quæ caput inuadunt, nisi ualde efficaci subueniatur remedio, languentes interdum suffocat.
- 37 Herpetum ulcera, & pustula cum interdum, sint profundiores, diuturniores etiam fiunt, et si sanantur sine totius corporis purgatione denuò erumpunt, uel ad bubonem ducuntur.
- 38 Si herpes curetur antequam fiat ulcus à principio citò curatur.
- 39 Qui inueteratis achoribus laborant in deciduum capillitium incurunt, & alopeciam, & ophiasim, & ad exulcerationem, & hæc in cute usque ad carnem facile uertuntur.
- 40 Tinea non solum ulcerat, sed aliquandò cum fœtore, & crustis, & capillorum deciduo deturpat caput, & totum aspectum.
- 41 Siriasis triduo interficere solet, quòd si spatium illud superauerit, salutis spem proculdubio ostendit.
- 42 In inflatione capitis ab aqua extra cranium spasmus superueniens mortem portendit.
- 43 Inflatio capitis ab aqua intra cranium difficillime sanatur, & periculum mortis denuntiat.
- 44 Ab inflatione capitis à flatu si alui fluor superuenerit malum, ita & febris.
- 45 Perseuerante terribili somno periculum est ne infans incidat in epilepsiam.
- 46 Vigiliæ infantibus familiares non sunt, immodice morbus.
- 47 Morbi comitiales si ante pubertatem quempiam inuaserint, mutationem recipiunt, nisi anno uigesimo quinto commoriantur.
- 48 Smaragdus collo infantis suspensus arcet à proprietate comitalem morbum.
- 49 Radix pæoniæ collo infantis suspensa comitalem morbum à proprietate sanat.
- 50 Cum paralysis annum excedit contrahitur habitus morbi, ac proinde immedicabilis fit.
- 51 Si membrum paralyticum extenuetur, aut minuatur, malum, superueniente uerò febre, aut tremore, bonum.

Infantes

- 52 Infantes à conuulsione sicca difficulter corripuntur, quòd si corripuntur, facillè sanantur.
- 53 Glaucedo ex siccitate incurabilis est.
- 54 Glaucedo à redundantia, & uarietate humorum in principio curationem admittit.
- 55 Strabositas ab ortu non sanatur, nisi in habitu infantis ualdè humido, ac si recens est, facillè sanatur.
- 56 Palpebrarum crassities adducit pilorum casus, & ulcerationem, & sequitur eam corruptio oculi, & ophthalmia.
- 57 Si pruritus, & scabies oculorum peccant in sanguine, uel bile flaua, uel pituita, bonum, si uerò commissione atræ bilis, malum.
- 58 A dolore aurium si generatur apostema, periculum mortis imminet.
- 59 Dolor aurium acutus, & uehemens cum febre continua, malum, periculum enim delirij, & totius mentis alienationis denuntiat.
- 60 Sternutatio sinè defluente catarrho in omnibus morbis signum est saluberrimum.
- 61 Grauedines, & sternutamenta per omnes morbos, qui in pulmone fatigent præire, & subsequi malum, ex his enim facillè in scotomiam, & uertiginem egrotantes incurrunt.
- 62 Ob rimas labiorum infans cum maximo dolore, & difficultate lac è mammis emulget, & malè nutritur.
- 63 A gingiuarum prurigine, & dentium productione dolorifica, periculum est, nè infantes incurrant in febres, conuulsiones, & alui profluvia, & serò adueniens magis dolet, & cum maturius, minus.
- 64 Infantes, quibus in dentitione aluus plus æquo laxatur, minus conuelluntur, quàm quibus modicè.
- 65 Quibus in dentitione febris acuta accedit, parùm conuelluntur.
- 66 Qui hyeme dentiunt, si in ijs cætera alioqui rectè se habent melius liberantur.
- 67 Qui cum tußicula dentiunt, tardius dentes producant.
- 68 In prouerbio dici solet. Donec ab oculis non sunt editi dentes, de filijs genitores non sunt gaudentes.
- 69 Dentes canini uulgò ab oculis uocantur.
- 70 Lupinus dens collo infantis suspensus dentitionem à proprietate adiuvat.
- 71 A proprietate ad dentitionem dolorificam lac caninum, & medulla caballina confert.

- 72 Abscessus ex dentitione gingivarum nisi solvantur, adhibitis opportunis remedijs facile suppurantur.
- 73 Ex superflua carne ex dentitione orta interdum excitantur dolores, & febres, & inflammationes loci affecti.
- 74 Gingivarum uesiculae facile sanantur.
- 75 Dentium dolor inter maximos numeratur ex quo facile excitantur febres, conuulsiones, & alui durg, & cruditates.
- 76 Dens hominis mortui ex sententia quorundam à proprietate collo infantis suspensus dentium dolorem lenit, & soluit.
- 77 Ad dentes dolentes à proprietate confert lac asinum, & pimpinella herba trita.
- 78 Aphthae in infantibus facile sanantur à principio, à quibus aliquando fiunt ulcera diuturniora, & aegre soluantur, & in progressu temporis putredinosi quidpiam acquirunt.
- 79 Nisi subiecta, & iuncta linguae pars, unde loquela impeditur succisa sit, sero in sermonem prorumpitur, ubi uerò cū eo uitio nati loqui liberè ceperint, & satis maturè loquuntur, & impediuntur in uerborum, & nominum prolatione in quibus R. aut L. aut K. literae frequenter occurrunt.
- 80 In infantibus ranunculus, seu batrachus facile sanatur.
- 81 Tonsillarum columellaeque inflammationes raro in infantibus eueniunt nisi cum ceruicis uertebrae affectae loco excidunt, quo in casu infantibus illis tanquam deploratis manum admoliri non oportet.
- 82 At si tumor existat in collo, bonum, & fauces dolentes cum quadam strangulantes difficultate citò interimunt.
- 83 Tussis diuturna plerumque perducit ad sputum sanguinis.
- 84 Qui gibbi ex anhelitu, aut tussi efficiuntur, ante pubertatem intereunt.
- 85 A tussi inueterata infantes interdum ducuntur ad phthisim & hecticam, & ad herniam.
- 86 Asthma in decrepitis non sanatur, & in iuuenibus ut plurimum est difficilis, & longa.
- 87 A stomachi debilitate sequuntur infirmitates, quae à cruditate proueniunt.
- 88 A uomitu singultus, & oculorum rubor malum.
- 89 Vomitus colore albus, aquosus, citrinus, & ruber uebementer, & obscurus est malus, & deterior est, qui est sicut flos aris, & niger; & cui succedit spasmus interficit statim.
- 90 Vomitus utilissima est, quando est pituitosa, & bile permista.
- 91 Corallium rubrum collo infantium lactentium appensum, & usque ad

- os ventriculi demissum lactis uomitum prohibet, & eorum concoctionem adiuuat.
- 92 A singultu stermitatio superueniens liberat, & ubi sanguis multus fluxerit, singultus, aut conuulsio superueniens, malum, ita & ex superflua purgatione.
- 93 Ab ileo singultus si fiat in altiore sopore, aut animi deliquio, aut tetano mors non longè abest.
- 94 Dolores, qui cum febre affligunt circà lumbos, & inferas sedes, si præcordia attigerint inferas sedes relinquentes, exitiales admodum sunt.
- 95 Quibus tormina, & circà umbilicum labores, & lumborum dolor, qui neque medicamento, neque aliter soluitur, in aquam intercutem firmatur.
- 96 Dolores uentris in parte superna leuiore, in inferna uehementiores.
- 97 In dolore uentris uehementi partes extremæ frigida malum.
- 98 A uentris dolore diurno, suppuratio.
- 99 Si ructus acidus fiat, qui prius non erat in longis intestinorum leuitatibus bonum.
- 100 Omnia uentris profluvia post egritudines acutas, symptomata sunt mortalia.
- 101 Difficultas intestinorum si ab atra bile inceperit lethalis est.
- 102 In torminibus si ueluti caruncula excant, lethale est.
- 103 In longis torminibus inedia ex fastidio malum, & cum febre peius.
- 104 Adiectione sincera difficultas intestinorum, malum.
- 105 In alui profluuijs mutationes excrementorum iuuant, nisi ad mala mutatio fiat.
- 106 Magna effusio sanguinis post dysenteriam ualdè mala.
- 107 Vlcerata intestinorum perducunt ad hydropem.
- 108 Conuulsio, uomitus, singultus, & conturbatio rationis, post dysenteriam, mortis indicia sunt.
- 109 Qui habet dysenteriam, & apparet post eius aurem sinistram, ueluti res nigra similis orobo cum uehementi siti moritur, ultra decimum diem, nec uitam producit.
- 110 Tenesmos, qui dysenteriam non sequitur, bonum.
- 111 Tenesmos per se ortus ubi aliquantulum processerit in infante conquiescit.
- 112 Ob aluum astrictam in infantibus facillè sequitur uentris, stomachi, uel capitis dolor.
- 113 Ventris inflatio à flatu facillè curatur, ab aquositate, & obstructione uiscerum difficilè.

- 114 Lumbricos teretes cuncte in indicationem morbo descende re idoneum est.
- 115 Multi nulla lumbricorum cura habita exesi ab ipsis sunt, & convulsi interierunt.
- 116 Inter febrium initia geniti lumbrici tales natura sunt, qualis materia corrupta, unde creati sunt, circa statum, qualis est morbi malignitas, circa declinationem melius omnino.
- 117 Deteriores sunt lumbrici maiores minoribus, multi paucis, rubri albis, & uiuentes mortuis.
- 118 Incipientibus acutis morbis si lumbrici teretes uiui deijciuntur pestilentes morbos indicant, inclinantibus mortui malum, inter utrumque tempus quocummodo appareant, malum est.
- 119 Lumbrici deiectione sanguine conuersi malum.
- 120 Ex ipsis lumbricis frequens in infantibus anhelitus frigidus, tumescens adhuc corpore, lethale, sequenti enim die mortem preannuntiat.
- 121 Ascaridibus infesti breuioris uitae sunt.
- 122 Inflammationum, & umbilici tumorum, si recte, & citò curentur facilis curatio est.
- 123 Generatio calculi in uesica in pueris est ualde familiaris.
- 124 Pulvis maxillarum luporum, piscium salitorum à proprietate lapidem in uesica frangit; idem facit pulvis leporis usti, & sanguis hircinus.
- 125 In cuius urina est sex arenosa lapis in eo non facile coalescit.
- 126 Si ex aliqua externa causa musculo frigefacto generatur urinae incontinentia melius est, quam si citra manifestam causam proueniat.
- 127 Quo plus patientibus euenit urinae inuoluntaria emissio eò minus periculo sunt obnoxij.
- 128 Qui urinam sine uoluntate emittunt ob curuicis uesicæ uulnus, aut casum, aut uertebrae luxationem, superuenientibus, quæ mortem indicant notis, nulla eos medicina periculo liberat.
- 129 Si qui lotium non eijciunt, eorum subiecta membra debiliora fiunt, paulò post moriuntur.
- 130 Intest. norum hernia qualiscunque fuerit semper aquosa deterior.
- 131 Procidencia ani sine inflammatione melior est, quam cum inflammatione.
- 132 Ex excoriatione facile suboriuntur inflammationes, exulcerationes, dolores, & uigilia.
- 133 Pustula seu uariolæ, uel morbilli magna ex parte afficiunt infantes,

& iuvenes, rarissimè senes.

- 134 Difficilis fit eruptio pustularum ijs, quorum cutis crassa, & densa est.
- 135 Difficilior est laterum pustularum eruptio.
- 136 Etsi accidit cutis densitas, sæpè intus pustulis detentis moriuntur.
- 137 Inruptione earum, quæ sunt altiusculæ, quæ facilior est, pauci pereunt.
- 138 Ex pustulis, quæ ulcerosæ sunt, uel spissæ, parvæ, eminentiores, & rubræ, cum febre, uel nigræ lethales sunt.
- 139 Pustula albæ, rubræ, raræ, latæq; salubriores sunt.
- 140 Quem semel uariolæ, seu morbilli tentarunt, is ex quorundam sententia, illis amplius non erit obnoxius.
- 141 In facie, & alijs partibus corporis ambustis signa existunt monstruosa (nisi rectè curentur) ipsæque partes affectæ aliquandò exsiccata, captæ, debilesque remanent.

F I N I S.





BRIXIAE,
VINCENTIVS SABBIVS
EXCVDEBAT.


M. D. LXXVII.



1-6-507

12

4-6-50f



005644110
005644111

